

КАФИСМА ОДИННАДЦАТАЯ

Разума Асафу, 77

¹ Внемлите, лю́дие мой, зако́ну моему́, приклоните́ у́хо ва́ше во глаго́лы уст мойх. ² Отвѣрзу в прѣтчах уста́ моя, провеща́ю гананія испѣрва. ³ Елика слы́шахом и позна́хом я, и отцы́ на́ши повѣдаша нам: ⁴ не утайшася от чад их в род ин, возвеша́юще хвалы́ Господни и си́лы Его, и чудеса́ Его, яже сотвори́. ⁵ И воздвѣже свидѣние во Иа́кове, и зако́н положи́ во Изра́или: елика заповѣда отце́м на́шим, сказа́ти я сыновомъ своимъ, ⁶ я́ко да позна́ет род ин, сы́нове родя́щиися, и востанут и повѣдят я сыновомъ своимъ: ⁷ да положат на Бо́га упова́ние свое́, и не забудут дел Бо́жих, и заповѣди Его взы́щут. ⁸ Да не бу́дут я́коже отцы́ их, род строптив и преогорчевая́й, род и́же не испра́ви се́рдца своего́, и не увѣри с Бо́гом ду́ха своего́. ⁹ Сы́нове Ефре́мли наляца́юще и стреля́юще лу́ки, возврати́шася в день брани: ¹⁰ не сохрани́ша завета́ Бо́жия, и в зако́не Его не восхотѣша ходи́ти. ¹¹ И забы́ша благодея́ния Его, и чудеса́ Его, яже показа́ им ¹² пред отцы́ их, яже сотвори́ чудеса́ в землі Египетстей: на по́ли Танео́се. ¹³ Развѣрзе мо́ре, и проведѣ их, предста́ви во́ды я́ко мех. ¹⁴ И наста́ви я́ о́блаком во дни, и всю ночь просвещѣнием огня. ¹⁵ Развѣрзе ка́мень в пусты́ни, и напо́и я́ я́ко в бездне мно́зе, ¹⁶ и изведѣ во́ду из ка́мене, и низведѣ я́ко ре́ки во́ды. ¹⁷ И приложи́ша ещѣ согреша́ти Ему, преогорчи́ша Вы́шняго в безводней; ¹⁸ и искуси́ша Бо́га в се́рдцахъ своихъ, воспроси́ти бра́шна душамъ своимъ. ¹⁹ И клеветаша на Бо́га, и рѣша: еда́ возмо́жет Бог угото́вати трапѣзу в пусты́ни? ²⁰ Поне́же порази́ ка́мень, и потеко́ша во́ды, и пото́цы наводни́шася: еда́ и хлеб мо́жет да́ти, или́ угото́вати трапѣзу лю́дем Своимъ? ²¹ Сего́ ра́ди слы́ша Господь и презре́: и огонь возгорѣся во Иа́кове, и гнев взы́де на Изра́иля, ²² я́ко не ве́роваша Бо́гови, ниже́ упова́ша на спасѣние Его. ²³ И заповѣда о́блакомъ свы́ше, и двѣри небесе́ отвѣрзе, ²⁴ и одожди́ им ма́нну я́сти, и хлеб небесный даде́ им. ²⁵ Хлеб а́нгельский яде́ человек,

брашно послá им до сытости. ²⁶ Воздвѣже юг с небесé, и наведé силою Своёю лѣва, ²⁷ и ождѣ на ня я́ко прах плóти, и я́ко песóк морскій птѣицѣ пернатѣ. ²⁸ И нападóша посреде́ стáна их, óкрест жилищ их. ²⁹ И ядо́ша и насы́тишася зело́, и желáние их принесé им. ³⁰ Не лишѣшася от желáния своего́: ещё́ бра́шну сущу́ во устéх их: ³¹ и гнев Бóжий взѣде на ня, и убѣ мно́жайшая их, и избрáнным Изра́илевым запя́т. ³² Во всех сих согрешѣша ещё́, и не вéроваша чудесéм Его. ³³ И исчезóша в суетé днѣе их, и лéта их со тщáнием. ³⁴ Егда́ убивáше я́, тогда́ взыска́ху Его, и обраща́хуся, и ўтреневаху к Бóгу: ³⁵ и помяну́ша, я́ко Бог Помóщник им есть, и Бог Вы́шний Избáвитель им есть. ³⁶ И возлюбѣша Его усты́ своїми, и язы́ком своїм солгáша Ему: ³⁷ сёрдце же их не бе́ право с Ним, ниже́ увéришася в завете́ Его. ³⁸ Тойже́ есть щедр, и очѣстит грехѣ́ их, и не растлѣ́т, и умно́жит отвратѣ́ти я́рость Свою́, и не разжжёт́ всего́ гнѣва Своего́. ³⁹ И помяну́, я́ко плоть сущь, дух ходя́й и не обраща́йся. ⁴⁰ Колькратѣ́ преогорчѣша́ Его в пусты́ни, прогнѣваша́ Его в землѣ́ безводней? ⁴¹ И обратѣ́шася, и искуси́ша Бóга, и Свята́го Изра́илева́ раздражи́ша, ⁴² и не помяну́ша руки́ Его в день, во́ньже избáви я́ из руки́ оскорбля́ющаго, ⁴³ я́коже положи́ во Егѣ́пте зна́менія Своя́, и чудеса́ Своя́ на по́ли Танае́се, ⁴⁴ и преложи́ в кровь ре́ки их, и исто́чники их, я́ко да не пию́т. ⁴⁵ Посла́ на ня пѣсия́ му́хи и поядóша я́: и жа́бы, и растлѣ́ я́. ⁴⁶ И даде́ рже́ плоды́ их, и труды́ их пруго́м. ⁴⁷ Убѣ́ гра́дом виногра́ды их, и черни́чие их слáною, ⁴⁸ и предаде́ гра́ду скоты́ их, и имéние их огню́. ⁴⁹ Посла́ на ня́ гнев я́рости Своея́, я́рость и гнев и скорбь, послáние а́нгелы́ лю́тыми. ⁵⁰ Путесотвори́ стезю́ гнѣву́ Своему́, и не пощаде́ от смёрти́ душ их: и скоты́ их в смёрти́ заключѣ́, ⁵¹ и порази́ всякое́ перворо́дное в землѣ́ Егѣ́петстей, нача́ток всяка́го труда́ их в селéниих Ха́мовых. ⁵² И воздвѣже́ я́ко о́вцы лю́ди Своя́, и возведе́ я́ я́ко ста́до в пусты́ни, ⁵³ и наста́ви я́ на упова́ние, и не убо́яшася, и врагѣ́ их покры́ мо́ре. ⁵⁴ И введе́ я́ в го́ру святы́ни Своея́, го́ру сию́, ю́же стяжа́ десни́ца Его. ⁵⁵ И изгна́ от лица́ их язы́ки, и по жре́бию даде́ им [зёмлю] ўже́м жребода́яния, и вселѣ́ в селéниих их колéна Изра́илева. ⁵⁶ И

искусиша и преогорчиша Бóга Вы́шняго, и свидéний Его не сохраниша, ⁵⁷ и отврати́шася, и отвергóшася, я́коже и отцы́ их, преврати́шася в лук развра́щен, ⁵⁸ и прогне́ваша Его в хóлмех сво́их и во истукáнных сво́их раздражи́ша Его. ⁵⁹ Слы́ша Бог и презре́, и уничижи́ зело́ Изра́иля, ⁶⁰ и отрину́ ски́нию Сило́мскую, селéние, е́же всели́ся в челове́цех. ⁶¹ И предаде́ в плен крéпость их, и доброту́ их в рúки врагóв, ⁶² и затвори́ во ору́жии лю́ди Своя, и достоя́ние Свое презре́. ⁶³ Юношы́ их пояде́ огонь, и дéвы их не осéтованы бы́ша; ⁶⁴ священни́цы их мечéм падóша, и вдови́цы их не опла́каны бóдут. ⁶⁵ И воста́ я́ко спя́ Господь, я́ко си́лен и шу́мен от вина́, ⁶⁶ и поразí враги́ Своя вспя́ть, поноше́ние вéчное даде́ им. ⁶⁷ И отрину́ селéние Ио́сифово, и колéно Ефре́мово не избра́, ⁶⁸ и избра́ колéно Иúдово, гóру Сио́ню, ю́же возлюби́, ⁶⁹ и созда́ я́ко единоро́га святи́лище Свое, на земли́ основа́ и́ в век. ⁷⁰ И избра́ Дави́да раба́ Своего́, и восприя́т его от стад о́вчих. ⁷¹ От до́илиц поя́т его пасти́ Иа́кова раба́ Своего́ и Изра́иля достоя́ние Свое. ⁷² И упасе́ я́ в незло́бии се́рдца своего́, и в разу́мех руку́ своéю наста́вил я́ есть.

Слава:

Псалом Асафу, 78

¹ Бóже, приидóша язы́цы в достоя́ние Твое́, оскверни́ша храм святы́й Твой, ² положи́ша Иерусали́м я́ко ово́щное храни́лище, положи́ша тру́пия раб Твои́х бра́шно пти́цам небéсным, плóти преподо́бных Твои́х зверéм земны́м. ³ Пролия́ша кровь их я́ко во́ду о́крест Иерусали́ма, и не бе погребáяй. ⁴ Бы́хом поноше́ние сосéдом на́шим, подражне́ние и поругáние сýщым о́крест нас. ⁵ Докóле, Гóсподи, прогне́ваеши́ся до концá? Разжжéтся я́ко огонь рвéние Твое́? ⁶ Пролéй гнев Твой на язы́ки не зна́ющыя Тебе́, и на ца́рствия, я́же и́мене Твоего́ не призва́ша, ⁷ я́ко поядóша Иа́кова, и мéсто его опустоши́ша. ⁸ Не помяни́ на́ших беззакóний пéрвых: скóро да предвари́ят ны щедрóты Твоя́, Гóсподи, я́ко обнища́хом зело́. ⁹ Помози́ нам, Бóже, Спасителю́ наш, сла́вы ра́ди и́мене Твоего́, Гóсподи, изба́ви ны, и очисти́ грехи́ на́ша и́мене ра́ди Твоего́. ¹⁰ Да не когда́ реку́т язы́цы, где есть Бог их? И да увéстся во язы́цех пред очима́ на́шими

отмщение крове раб Твоих пролитыя. ¹¹ Да внидет пред Тя
воздыхание окованных, по величию мьшцы Твоея снабди сыны
умерщвленных. ¹² Воздаждь соседом нашим седмерицею в недро
их поношение их, имже поносиша Тя, Господи. ¹³ Мы же,
людие Твои и овцы пажити Твоея, исповемыся Тебе, Боже, во
век, в род и род возвестим хвалу Твою.

¹ В конец,
о изменихся, свидение Асафу,
псалом 79

² Пасый Израиля вонми: наставляяй яко овча Иосифа, сидяй
на Херувимех, явися, ³ пред Ефремом и Вениамином и
Манассием, воздвигни силу Твою, и прииди во еже спасти нас.
⁴ Боже, обрати ны, и просвети лице Твое, и спасемся. ⁵ Господи
Боже сил, доколе гневаешия на молитву раб Твоих? ⁶
Напитаеши нас хлебом слезным, и напоиши нас слезами в меру.
⁷ Положил еси нас в пререkanie соседом нашим, и врази наши
подражниша ны. ⁸ Господи Боже сил, обрати ны, и просвети
лице Твое, и спасемся. ⁹ Виноград из Египта принесл еси,
изгнал еси языки, и насадил еси и. ¹⁰ Путесотворил еси пред
ним, и насадил еси корения его, и исполни землю. ¹¹ Покры
горы сень его, и ветвия его кедры Божия; ¹² простре розги его
до моря, и даже до рек отрасли его. ¹³ Вскую низложил еси
оплот его, и объимают и вси мимоходящие путем? ¹⁴ Озоба и
вепрь от дубравы, и уединенный дивий пояде и. ¹⁵ Боже сил,
обратися убо, и призри с Небесе и виждь, и посети виноград
сей, ¹⁶ и соверши и, егоже насади десница Твоя, и на сына
человеческаго, егоже укрепил еси Себе. ¹⁷ Пожжен огнем и
раскопан, от запрещенія лица Твоего погибнут. ¹⁸ Да будет
рука Твоя на мужа десницы Твоея, и на сына человеческого,
егоже укрепил еси Себе, ¹⁹ и не отступим от Тебе; оживиши ны,
и имя Твое призовем. ²⁰ Господи Боже сил, обрати ны, и
просвети лице Твое, и спасемся.

¹ В конец, о точилех,
псалом Асафу, 80

² Рáдуйтеся Бóгу, Помóщнику нáшему, воскликните Богу Иáковлю, ³ примите псалом и дадите тимпáн, псалтирь красен с гúсльми, ⁴ вострубите в новомéсячии трубóю, во благознаменитый день прáздника вáшего, ⁵ я́ко повелéние Изра́илеви есть, и судьбá Бóгу Иáковлю. ⁶ Свидéние во Иóсифе положи́ е, ввсегда́ изы́ти ему́ от земли́ Егíпетския, языка́ его́же не вéдяше услы́ша. ⁷ Отъя́т от брéмене хребéт его́, рúце его в кошí порабóтасте. ⁸ В скóрби призвáл Мя еси́, и избáвих тя, услы́шах тя в тáйне бúrне, искусíх тя на водé пререкáния. ⁹ Слы́шите, лю́дие мой, и засвидетельствую вам, Изра́илю, áще послу́шаеши Менé. ¹⁰ Не бóдет Тебé бог нов , ниже́ поклонíшися бóгу чуждéму. ¹¹ Аз бо есмь Госпóдь Бог твой, изведýй тя от земли́ Егíпетския, расши́ри уста́ Твоя́, и испóлню я́. ¹² И не послу́шаша лю́дие мой глáса Моегó, и Изра́иль не внят Ми: ¹³ и отпусти́х я́ по начинáнием серде́ц их, пойдут в начинáниях сво́их. ¹⁴ Аще бы́ша лю́дие мой послу́шали Менé, Изра́иль áще бы в путí Мойя́ ходíл, ¹⁵ ни о чесóм же úбо врагí его́ смири́л бых, и на оскорбля́ющыя их возложи́л бых рúку Мою́. ¹⁶ Вразí Госпóдни солгáша ему́, и бóдет вре́мя их в век. ¹⁷ И напитá их от тúка пшени́чна, и от кáмене мéда насы́ти их.

Слава:

Псалом Асафу, 81

¹ Бог ста в сонме богов, посреде́ же бо́ги разсúдит. ² Докóле сúдите неправду, и лица грéшников приéмлете? ³ Судите си́ру и убóгу, смире́на и ни́ща оправда́йте. ⁴ Изми́те ни́ща и убóга, из руки́ грéшничии избáвите его. ⁵ Не позна́ша, ниже́ уразумéша, во тьме хóдят: да подв́ижатся вся основáния земли́. ⁶ Аз рех: бóзи естé, и сы́нове Вы́шняго вси. ⁷ Вы же я́ко челове́цы умира́ете, и я́ко еди́н от князéй па́даете. ⁸ Воскресни́, Бóже, суди́ земли́: я́ко Ты насле́диши во всех язы́цах.

¹ Песнь псалма Асафу, 82

² Бóже, кто уподóбится Тебé? Не премолчí ниже укротí, Бóже. ³ Яко се вразí Твой возшумéша, и ненавídяшии Тя воздвигóша главú. ⁴ На люди Твоя лукавноваша волею, и совеща́ша на святыя Твоя. ⁵ Рéша: приидите и потребím я от язык, и не помянётся íмя Израíлево ктому. ⁶ Яко совеща́ша единомышлénием вку́пе, на Тя завет завещáша: ⁷ селéния Идумéйска, и Исма́илите, Моав и Ага́ряне: ⁸ Гевáл и Аммо́н и Амалíк, иноплемéнницы с живúщими в Тíре, ⁹ íбо и Ассúр прииде с ними, бы́ша в заступлénие сыновом Лóтовым. ¹⁰ Сотвори́ им яко Мадиа́му и Сисáре, яко Иавíму в потоце Кíссове. ¹¹ Потребíшася во Аендо́ре, бы́ша яко гной земный. ¹² Положи́ князи их, яко Ори́ва и Зи́ва, и Зевéа и Салма́на, вся князи их, ¹³ íже рéша: да наслéдим себе́ святилише Бóжие. ¹⁴ Бóже мой, положи́ я́ яко ко́ло, яко трость пред лицéм вéтра. ¹⁵ Яко огонь попада́яй дубра́вы, яко пла́мень пожига́яй го́ры, ¹⁶ тако поженéши я́ бу́рею Твоёю, и гнёвом Твоим смятéши я. ¹⁷ Испóлни лица их безчестия, и възшут íмене Твоего́, Го́споди. ¹⁸ Да постыд́ятся и смяту́тся в век вéка, и посра́мятся и поги́бнут. ¹⁹ И да позна́ют, яко íмя Тебé Го́сподь, Ты еди́н Вы́шний по всей земл́и.

¹ В ко́нec, о точилех, сыном
Кореовым, псалом 83

² Коль возлю́бленна селéния Твоя́, Го́споди сил! ³ Желáет и скончава́ется душа́ моя́ во двори́ Го́сподни, се́рдце моё и плоть моя́ возрадова́стася о Бóзе живе. ⁴ Ибо птица обрéте себе́ хра́мину, и го́рлица гнездо́ себе́, иде́же положит птенцы́ своя́, олтари́ Твоя́, Го́споди сил, Царю́ мой и Бóже мой. ⁵ Блажéни живúщи в дому́ Твоём, в вéки веко́в восхва́лят Тя. ⁶ Блажён муж, ему́же есть заступлénие его́ у Тебé; восхождéния в се́рдце своём положи́, ⁷ во юдо́ль плачевную, в мéсто éже положи́, íбо благословéние даст законополага́яй. ⁸ По́йдут от си́лы в си́лу: явится Бог бого́в в Сиóне. ⁹ Го́споди Бóже сил, услы́ши моли́тву мою́, внуши́, Бóже Иа́ковль. ¹⁰ Защи́тнице наш, виждь, Бóже, и при́зри на лице́ христа́ Твоего́. ¹¹ Яко лúчше день еди́н во двóрех Твоих́ па́че ты́сящ: изво́лих приметáтися в дому́ Бóга

моего паче, неже жити ми в селениих грешничих. ¹² Яко милость и истину любит Господь, Бог благодать и славу даст, Господь не лишит благих ходящих незлобием. ¹³ Господи Боже сил, Блажен человек уповаяй на Тя.

¹ В конец, сыном Кореовым,
псалом 84

² Благоволил еси, Господи, землю Твою, возвратил еси плен Иаковль: ³ оставил еси беззакония людей Твоих, покрыл еси вся грехи их. ⁴ Укротил еси весь гнев Твой, возвратился еси от гнева ярости Твоея. ⁵ Возврати нас, Боже спасений наших, и отврати ярость Твою от нас. ⁶ Еда во веки прогневаешия на ны? Или простреси гнев Твой от рода в род? ⁷ Боже, Ты обращаеши оживиши ны, и люди Твои возвеселятся о Тебе. ⁸ Яви нам, Господи, милость Твою, и спасение Твое даждь нам. ⁹ Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца к Немю. ¹⁰ Обаче близ боящихся Его спасение Его, вселити славу в землю нашу. ¹¹ Милость и истина сретостеся, правда и мир облобызастеся. ¹² Истина от земли возсия, и правда с Небес приниче, ¹³ ибо Господь даст благодать, и земля наша даст плод свой. ¹⁴ Правда пред Ним предидет, и положит в путь стопы своя.

Слава:

По 11-й кафисме, Трисвятое.

Таже тропари, глас 7: Имущи, душе моя, врачевство покаяния, приступи слезящи, воздыханием вопиющи: Врачу душ и телес, свободи мя, Человеколюбче, от многих согрешений, сопричти мя блуднице, и разбойнику, и мытарю, и даруй ми, Боже, беззаконий моих прощение, и спаси мя.

Слава: Мытареву покаянию не поревновах, и блудницы слез не стяжах: недоумеюся бо от ослепления о таком исправлении, но Твоим благоутробием спаси мя, Христе Боже, яко Человеколюбец.

И ныне: Богородице Дѣво Несквѣрная, Сына Твоего моли с горными силами, прощѣние прегрѣшеній нам прѣжде конца даровати и велию милость.

Господи, Помилуй (40) и молитва:

Воссияй в сердцах наших, Человеколюбче Господи, Твоего Боговѣдения нетлѣнный свет, и мысленная наша отвѣрзи очи, во евангельских Твоих проповѣданій разумѣние, вложи в нас и блаженных Твоих заповѣдей страх, да плотскія похоти вся поправше, духовное жительство пройдем, вся, яже ко благоугождѣнию Твоему и мудрствующе и дѣюще. Ты бо еси просвѣщение душ и телес наших, Христѣ Божѣ, и Тебѣ славу возсылаем, со Безначальным Твоим Отцем и Всесвятым, и Благим, и Животворящим Твоим Духом, ныне и присно, и во веки веков, аминь.